

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), a u skladu sa Programom utroška sredstava planiranih u Budžetu Zeničko-dobojskog kantona za 2023. godinu na poziciji „Tekući transfer JU Kantonalna bolnica Zenica - Podrška za realizaciju Programa finansijske konsolidacije i restrukturiranja JU Kantonalna bolnica Zenica (za sufinansiranje specijalizacija i subspecijalizacija)“ Ministarstva zdravstva broj: 02-11-5897/23 od 11.04.2023. godine, na prijedlog Ministarstva zdravstva, Vlada Zeničko-dobojskog kantona, na 17. sjednici, održanoj dana 20.04.2023. godine, d o n o s i

ODLUKU

o odobravanju sredstava JU Kantonalna bolnica Zenica za sufinansiranje troškova specijalizacija i subspecijalizacija u 2023. godini

Član 1.

(Predmet)

(1) Odobravaju se sredstva JU Kantonalna bolnica Zenica u ukupnom iznosu od 3.000.000,00 KM (slovima: trimiliona konvertibilnih maraka) za sufinansiranje troškova specijalizacija i subspecijalizacija u 2023. godini.

(2) Odobrena sredstva iz stava (1) ovog člana odnose se na isplaćene bruto plaće za period januar - decemabar 2023. godine.

Član 2.

(Analitička konta)

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2023. godinu („Službene novine Zeničko-dobojskog kantona”, broj: 3/23) sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100, subanalitika LAX014, pozicija „Tekući transfer JU Kantonalna bolnica Zenica - Podrška za realizaciju Programa finansijske konsolidacije i restrukturiranja JU Kantonalna bolnica Zenica (za sufinansiranje specijalizacija i subspecijalizacija)“.

(2) Sredstva odobrena Odlukom će se transferisati na žiro-račun JU Kantonalna bolnica Zenica broj: 1340100000339717 otvoren kod ASA banke, na osnovu Odluke, sljedećom dinamikom:

- a) iznos od 750.000,00 KM (slovima: sedamstopedesethiljada konvertibilnih maraka) za obračunate bruto plaće za period januar - mart 2023. godine po donošenju Odluke,
- b) iznos od po 250.000,00 KM (slovima: dvijestotinepedesethiljada konvertibilnih maraka) za bruto plaće za period april - decembar 2023. godine do 20. u tekućem mjesecu za obračunatu bruto plaću za prethodni mjesec.

Član 3.

(Provođenje Odluke)

Za provođenje ove odluke zadužuju se Ministarstvo zdravstva, Ministarstvo finansija i JU Kantonalna bolnica Zenica, svako u okviru svoje nadležnosti.

Član 4.
(Izvještavanje)

(1) JU Kantonalna bolnica Zenica je dužna izvjestiti Ministarstvo zdravstva o namjenskom utrošku sredstava dostavljanjem privremenih mjesečnih izvještaja i konačnog izvještaja za 2023. godinu. Privremeni mjesečni izvještaji dostavljaju se u sljedećim rokovima:

- a) za plaće za period januar - mart 2023. godine do 30.04.2023. godine,
- b) za plaće za period april - decembar 2023. godine do 30. u tekućem mjesecu za prethodni mjesec.

(2) Privremeni mjesečni izvještaji iz člana 3. stav (1) ove odluke dostavlja se u tabelarnom obliku za svaku mjesečnu isplatu i treba da sadrže: redni broj, šifru specijalizanta /subspecijalizanta, naziv specijalizacije/subspecijalizacije, iznos bruto plaće za svakog pojedinačnog specijalizanta/subspecijalizanta i ukupan iznos bruto plaća za jedan mjesec.

(3) Konačan izvještaj o svim specijalizacijama i subspecijalizacijama koje su finansirane iz sredstava Budžeta Zeničko-dobojskog kantona za 2023. godinu dostavlja se do 31.01.2024. godine.

Član 5.
(Stupanje na snagu)

Ova odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

PREMIJER

Amra Mehmedić

Broj: 02-11-6494/23

Datum, 20.04.2023. godine

Z e n i c a

DOSTAVLJENO:

- 1x Ministarstvo zdravstva,
- 1x Ministarstvo finansija,
- 1x JU Kantonalna bolnica Zenica, putem Ministarstva,
- 1x „Službene novine Zeničko-dobojskog kantona“,
- 1x a/a.